

雜俎

光緒二十九年中國事紀

參維天津日日新聞大公報

正月初十日。命榮慶會同張百熙管理大學堂事務。北

京選八旗兵一千二百九十三名。由直督袁世凱督練。

十一日。理藩院尙書阿克丹卒。以至俊代之。十二

日。法主教入覲。大學堂總教習吳汝綸卒。十三日。

各公使夫人入覲。 皇太后。 十七日。駐京各公

使會議阻止中國征收出口米稅。 十八日。駐藏大臣

訥欽山西巡撫俞廉三因病開缺。 二十日。以張曾敷

為山西巡撫。 是月也。盛京桐溝匪黨犯錦州。 廣西

匪勢猖獗。將延及湖南。湘撫調兵防堵。 直隸遵化州

玉田縣河間府任邱縣等處有土匪起事之報。

二月初四日。前署台灣巡撫唐景崧卒。 十八日。以綽哈

布為荊州將軍。 二十二日。鐵路督辦大臣盛宣懷入

京。 直督袁世凱奏准選京旗官弁遣赴各學堂肄業。

雜俎

二十三日。命督撫保護回國之出洋華商。 二十五

日。江督魏光燾到任。 二十六日。粵商張振勳報效學

堂經費銀二十萬。 二十八日。以設三江師範學堂事。

命管學大臣議奏。 二十九日。召廣西提督蘇元春來

京。 是月也。吉林馬賊猖獗。 江西九江匪徒糾眾約

期起事。護撫柯逢時派兵彈壓。 廣西宣化屬四五塘

地方有匪警。派兵剿之。 戶部奏加稅免釐預籌辦法。

直督袁世凱署江督張子洞奏請遞減科舉。 日本

大阪博覽會。將中國吸烟纏足事列入人類館留學生

力爭之。乃止。 營口夾皮溝復有六合拳匪作亂。派兵

剿之。 奏准開辦國家彩票。 議定開築正太鐵路。

桂匪竄湘粵邊界。 長江徐州一帶有匪徒起事之說。

直督袁世凱奉辦印花稅。 浙江衢州匪亂。延及紹

興一帶。

三月初一日。特派吳重熹為會辦電政大臣。 初二日。署

雲貴總督丁振鐸到任。 初七日。閩浙總督許應駟開

甲辰

雜 俎

缺。初八日。皇太后 皇上啓鑾謁

西陵。初九日。以錫良爲閩浙總督。松壽爲熱河都統。

初十日。派盛宣懷隨同袁世凱張之洞呂海寰伍廷

芳會議商約。十一日。爲俄人交還營口之期。及期。爽

約。十四日。大學士榮祿卒。十五日。命緩辦印花稅。

停止苛細雜捐。十六日。以慶親王奕劻爲軍機大臣。

十八日。皇太后 皇上自 西陵啓

鑾回京。二十日。漢信鐵路築至礮山。二十一日。以

岑春煊調署兩廣總督。錫良調署四川總督。李興銳調

署閩浙總督。張人駿補廣東巡撫。陳夔龍補河南巡撫。

德壽補漕督。二十三日。貝子載振赴日本博覽會。

二十五日。命訂商律。總稅務司赫德擬定銀錢準價。

俄人要挾密約七條方許退兵。二十六日。

皇太后 皇上回宮。是月也。直隸玉田縣柳河套

拳匪倡亂。官軍往剿。獲二十餘人。正法。盛京城內俄

兵。退紮城外。荊州將軍濟祿卒。廣東會黨蠢動。

二

正月

俄人照會外務部再改滿洲退兵條約。又填入數款。迫令簽字。

四月初一日。寓滬各省紳商。以東三省新約事。大會於張

園。議之。初三日。南洋大臣電奏東三省事不可輕易

簽押。初四日。京師大學堂學生會議東三省事。日

本照會外務部。勸拒俄人密約。初九日。俄人復據營

口。二十日。湖廣總督張之洞入京。直隸宣化鎮何

乘轎爲御史李灼華所劾。交部議。二十三日。賜張之

洞紫禁城騎馬。二十四日。滇督丁振鐸等電奏雲南

臨安府被匪竄陷。二十五日。賜張之洞西苑門內騎

馬。二十六日。雲南石屏州爲匪所據。二十七日。以

崇禮爲大學士。敬信爲禮部尚書。協辦大學士。是月

也。美國請將東三省擇地開放。列入商約。留學日本

學生厲滬志士均編義勇隊。言欲以拒俄也。

五月初一日。以那桐爲戶部尚書。鐵良爲右侍郎。初四

日。以伍廷芳爲外務部右丞。聯芳爲左侍郎。顧肇新爲

右侍郎。以王文韶為武英殿大學士。崑岡為文淵閣大學士。崇禮為東閣大學士。初六日。調補安徽巡撫饒應祺卒。初九日。以鐵良為京旗練兵會辦大臣。十四日。戶部火災。十五日。俄使見慶親王。要索新約七條。慶親王拒之。是月也。修中葡條約。山西設警務學堂。河南推廣高等學堂。江西萍鄉縣有哥弟會匪。欲起事。被獲。誅之。駐日本使臣蔡鈞期滿撤回。以候補道楊樞代之。

閏五月初三日。派張之洞會同張百熙榮慶釐定學章。初六日。滇督丁振鐸電奏克復臨安。章炳麟鄒容等被拘於蘇報館。初七日。上海英領事遣譯員會訊蘇報案。十三日。蘇報館被封。十四日。大高殿火。未成災。以劉光才為廣西提督。十五日。考試經濟特科。十六日。駐華法使以西安土匪殺害教民。照會外務部。十九日。經濟特科發榜。二十三日。沈蓋至京。被拘。二十七日。經濟特科覆試。

雜俎

六月初四日。烟台大水。初八日。杖斃沈蓋於刑部。十五日。奉 懿旨。明年萬壽慶典。免上徽號。二十五日。駐俄使臣胡維德電告。俄派阿力喀塞克夫為關東總督。是月也。蘇元春奉 旨交審。湖南某處有匪蠢動。

七月初四日。廣西巡撫柯逢時電請鉅款濟軍。初九日。大連灣商民公電外務部。述俄人舉動。山東巡撫周馥電奏德人經營鐵路事。初十日。青泥窪華俄新設之海關開征。十六日。設商部。以貝子載振為尙書。伍廷芳為左侍郎。陳璧為右侍郎。二十一日。定商部值日次序。二十七日。廣西提督馮子材卒。是月也。俄人要求張家口外之哈哥希根二地為租界。英人要求修建河南鐵路。八月初一日。奉 懿旨。明年萬壽慶典。免王公百官報効。初六日。以路礦事歸併商部。刑部定蘇元春罪。定為斬監候。十一日。俄人以鐵嶺及營房電線交

三

甲辰

雜 俎

還。以貽穀爲綏遠城將軍。十五日。有桂匪一股。竄入湖南。十八日。爲俄國駐東三省兵隊第三期撤退之期。不如約。中美中日商約均簽押。十九日。廣西電奏連獲勝仗。二十日。張之洞疏陳出洋學生升途。二十一日。奉天將軍增祺電告俄駐奉省領事要求西關外練兵所。以敬信爲大學士。裕德爲兵部尙書。煦續爲吏部尙書。榮慶爲禮部尙書。奎俊爲刑部尙書。江西奏辦省會學堂。與督岑春煊電告廣東潮嘉匪勢日甚。二十二日。以溥與爲理藩院尙書。是月也。新疆巡撫電告外務部。俄人安置各路電線。陰布兵權。又電告俄人擬在新疆貸款。不用息。並代改兵制。俄人欲自奉天起。安設電線。德人設領事於濟南。日俄商訂協約。

月初一日。商部奏請實行保商諸政駐藏大臣有泰電告英人逼入藏地。奉天將軍增祺電告俄人招撫馬賊。初九日。俄兵復據奉天省。增祺被錮。各署被佔。

十二日。召直督袁世凱入京。粵督岑春煊電請率師勤王。十五日。張之洞袁世凱與慶親王會議拒俄策。十六日。王文韶明去外務部大臣。以那桐爲外務部尙書。兼外務部會辦大臣。榮慶爲戶部尙書。兼在軍機上行走。溥與爲禮部尙書。十七日。派那桐會同慶親王。瞿鴻禨辦理財政。十八日。以孫家鼐張百熙爲政務處大臣。二十二日。俄使催問所索各款。二十六日。俄兵入營口。二十八日。俄將軍巫膏庫來京要求承辦路礦事。二十九日。奉天將軍增祺牘告俄在安東縣山後建設礮台。禁駐華兵。是月也。電飭陝西巡撫升允修理行宮。

十月初一日。御史張元奇劾商部尙書貝子載振。飭各省振興農務。粵督岑春煊電告大股亂匪剔除殆盡。初三日。俄使與外務部議訂商約。初六日。直隸提督馬玉崑奏兵力未厚。皇太后擬增添兵隊。初七日。俄佔海城。初十日。奉天密探電告俄兵又來千

四

正月

餘名分居五部衙門。盡逐各員。十二日。奉天將軍增祺電告鳳凰城安東縣等境忽來俄兵駐守。十三日。御史王乃徵奏請變通兵制。十六日。以慶親王奕劻爲練兵大臣。直督袁世凱爲會辦大臣。鐵良爲襄辦大臣。將使各省軍制號令器械畫一。十七日。駐藏大臣電告俄在西藏某鎮築礮台。十八日。駐藏大臣電告俄兵入藏。二十五日。以廷杰爲奉天府尹。二十八日。商部尙書貝子載振請開缺不允。是月也。吉林將軍電奏日本兵入吉境。奉天將軍電咨外務部。俄人勒令解散團防。侍郎張翼以開平煤礦事革職。日本欲與俄戰。

十一月初二日。俄使照會外務部。令中國力拒英人入藏。初四日。命實力保護回國之出洋華商。初六日。設練兵處。分三司十三科二十鎮。初七日。命非軍務者分不得奏調人員。初九日。命不准濫行保人員。以徐世昌爲練兵處提調。劉永慶爲軍政正使。段祺瑞

雜 俎

爲軍令司正使。王士珍爲軍學司正使。四人均賞副都統銜。奉天將軍增祺電告俄增鳳凰城之駐兵。十一日。直督袁世凱奏請開去各項要差。以便專任練兵。未允。十二日。政府電告各省。如日俄開戰。我國嚴守局外。十三日。庫倫辦事大臣電告俄情。二十日。俄兵七千餘人。直入旅順口。駐紮各處。二十四日。中日交換商約。中美在津人員。會議開平鑛局事。二十五日。刑部侍郎胡燏棻奏密。旨赴旅順。見關東總督阿力喀塞克夫。議無所成。二十七日。改管學大臣爲學部大臣。添派孫家鼐爲學務大臣。以伍廷芳爲外務部左侍郎。陳璧爲商部右侍郎。是月也。審判英國印度皇后商輪撞沈震泰兵輪案。奏准遞臧科舉。漕督德壽卒。以陸元鼎寬授。俄兵入吉林。定章炳麟鄒容罪監禁三年。廣西募兵防匪。政府以東三省事開密議會。學堂章程擬定奏聞。日本兵入韓。俄兵入錦州。

五

甲 辰

雜 俎

十二月初一日。特開 御前會議。福建水師提督楊岐珍卒。以曹志忠代之。初二日。駐俄使臣胡維德電告俄國將起內亂。初八日。駐韓使臣許台身電告各國皆派兵輸入仁川港以備保護。駐韓使館。商部擬定商律奏聞。初九日。命核減宮廷用款。十一日。駐俄使臣胡維德電告俄國學生與工人羣起為亂。十六日。直督袁世凱奏請開去會辦練兵差使。不允。十八日。政府派員稽查往來電報。二十日。山東利津決口堵合奏聞。二十一日。以張亨嘉為京師大學堂總監督。駐日使臣楊樞電告日本軍艦已起碇。離岸列陣。專候軍令。二十三日。俄日決裂。二十七日。宣布日俄開戰守局外之例。以那桐為步軍統領。兼工巡局。是月也。北京開商部。列入商約。英兵入西藏者日多。俄少將某帶兵入錦州內地游歷。俄兵扼守恰克圖。駐華英使爾停開平礦務事。

明治三十六年日本事紀 錄天津日日新聞

六

正月

一月八日。行陸軍視兵典禮。○十五日。開催地方官會議。二月十三日。開催師團長會議。十八日。小松宮彰仁親王卒。三月初一日。下議院議員舉行總選舉。大阪市開第五次內國勸業博覽會。初三日。以監獄管理利權移於司法大臣。四月十日。天皇親行觀艦禮於神戶。十四日。天皇皇后駐蹕於西京行宮。二十一日。舉行博覽會開會禮。三十日。天皇親臨博覽會。五月八日。第十八次議院召集。十日。天皇皇后還自西京。十二日。開議院。二十六日。太子及妃臨博覽會。六月五日。閉議院。十一日。俄陸軍大臣苦羅巴金來。二十三日。開元老會議。對俄問題第一次元老會議。七月十三日。農商務省大臣平田東助文部省大臣菊池大麓辭職。樞密院議長西園寺公望侯致仕。侯爵伊藤博文代之。又以山縣有朋松方正義任樞密院顧問官。

十五日。以司法大臣清浦奎吾兼任農務商省大臣。大藏省大臣曾根荒助兼任遞信大臣。男爵兒玉源太郎任內務大臣兼攝文部大臣。臺灣總督。

八月一日。大阪博覽會閉會。十日。開地方官會議。九

日。有設對俄硬派會者。至者一千三百餘人。二十七

日。日本船十一艘。以捕魚事爲俄人所捕。

九月一日。閣臣集議來年度支豫算於首相邸。五日。新

易海軍中將六員。其他軍令部員。亦有更易。八日。准

國定教科書翻印。十四日。對俄同志會會員謁桂相。

上書。十七日。對俄同志會開大會於仙臺。二十一

日。首相以日俄協商事入奏。二十二日。以波多野敬

直任司法大臣。大浦兼武任遞信省大臣。久保田讓任

文部省大臣。二十三日。大風壞淀橋。小學校人。多死

傷者。三十日。參謀本部次長陸軍中將田村怡與遣

卒。駐日俄使朗善自東京至旅順。

十月三日。駐日俄使朗善自旅順還東京。五日。俄同對

志會開全國大會於東京。來會者二千四百人。外相

小村壽太郎與駐日俄使朗善會議協約。六日。皇太

子出巡。俄密使阿西比列布奉其遠東總督之命至日

京。八日。中日通商改正條約議結簽押之報至。九

日。首相以下往訪頻繁。參謀次長福島少將與桂兒玉

寺內各相密議。海將伊東伊集院齊藤向山山田諸將。

開參謀會議。十日。俄國密使阿西比列布發長部。至

元山。故有棲川大將銅像成。舉行除幕禮。十二日。以

兒玉源太郎爲參謀次長。桂首相兼任內相。十三日。

五元老四閣臣會集密議。十四日。小村外相會駐日

俄使朗善。十五日。韓國北境不靖。韓廷借俄兵之報

至。二十日。首相陸相外相遞封奏。參謀本部召集

豫備將校於二週間令其講習。二十二日。伊藤侯自

大磯還。二十四日。荻原書記官上陸於龍巖浦。俄人

拒絕之公報至。二十六日。伊藤大習山桂小村及西

部都督黑木大將遞封奏。小村外相會俄使。二十

雜 俎

七日。閣議准京仁京釜兩鐵道之合辦。以上村中將補常備艦隊司令長官。二十八日。樞府會議。決定各省官制通則改正。三十日。小村外相會俄使。三十一日。韓國派駐日本公使李址鎔至日。舊使高永喜歸國。下議院長片岡健吉卒。

十一月一日。小村外相會俄使。二日。俄兵千人闖入奉天之報至。軍艦音羽試水於橫須賀。天皇臨觀。黑木與二中將擢任大將。東宮殿下嘉仁親王擢任陸軍大佐。五日。改正文官休職年限。常備艦隊吉野千歲以下數艘。自佐世保赴韓。七日。犬養毅大石正巳二人自中韓歸。十日。海軍少將齋藤實氏以下川十餘人。均有更易。十二日。天皇幸兵庫縣陸軍演習地。小村外相會俄使。十三日。以大岡育造氏爲東京市議會會長。十四日。旅順實行徵稅之報至。陸軍大演習。行幸之際。對南朝忠臣兒島高德以下數十人。有贈位恩典。二十四日。韓刺客高永根魯允明刺之。

八

正月

亡命禹範善於吳市。二十八日。天皇臨幸陸軍大學校。行畢業典禮。三十日。天皇幸士官學校。行畢業典禮。

十二月一日。內閣會議。自午前十時至午後三時。小村外相會各國公使晚餐。二日。政友進步兩黨開聯合會。議定決議書及宣言書。三日。政友進步帝國三黨共開大會。四日。德州公爵任上議院長。近衛公爵任樞密院顧問。五日。開第十九次議會。八日。協商事得俄國覆文。十日。議院開。天皇親臨。賜勅語。十一日。下議院解散。小村外相會俄使。十五日。擬對俄命令於駐俄栗野公使及各艦隊司令官。十六日。元老會第四次會議。二十日。備戰。二十一日。大岡育造寺提唱新政黨。發表宣言書。小村外相會俄使。旋電致栗野公使。二十三日。天皇幸礪工學校。行畢業禮。二十五日。各大臣會於首相邸。開臨時閣議。二十六日。交付京釜鐵道會社保證命令書。二十八日。山縣

伊藤松方大山四元老入奏要事。開臨時閣議。近衛公病革。以特旨敍從一位勳二等。京釜鐵道會社以選古市公威任總裁。樞府決議關軍事費。布緊急勅令。三十日各部大臣開陸海兩軍會議。公布臺灣守備軍司令部勅令。

一千九百零三年歐美事紀 錄天津日日新聞

一月一日。美國舊金山至檀香山之海底電線告成。俄皇勞戶部大臣維忒以手詔。六日。西班牙首相塞格司卒。英國以土耳其於一千九百零二年許俄艦四艘經過達且納爾海峽事為背約。詰之。並言英亦當援此例。與美二國。旋亦以是為請。十日。有飛他者謀刺西班牙王。未成。鞠之。知實欲刺其內務大臣也。十三日。西太平洋法屬字塞羣島。為海水所沒。被災者八十餘島。死者千餘人。十四日。英艦喀利亦經過達且納爾海峽。十五日。美國議院新增免各國進口煤稅一年之新例。以乏煤故也。十六日。德太子游歷地中海。

雜俎

各國。抵俄京。謁俄皇。俄皇贈以馬隊副提督銜。十九日。德巡船礮擊委內瑞拉卡羅斯礮臺。二十日。英藩部大臣張伯倫在非洲演說。論禁止華工事。英皇與美總統始以無線電報通問。二十四日。瑞典王有疾。太子攝政。二十七日。德皇誕辰。錫駐華德使穆默男爵。二十八日。法貸七兆五十萬法郎於摩洛哥。以關稅作抵。周息六釐。俄皇第四十次會議西北利亞鐵路事。

二月二日。摩洛哥官軍大敗亂黨。德前相迪爾白卒。四日。特帥勃林士廬卒。十一日。比國判定謀刺比王凶犯羅彼暗以永遠監禁之罪。十三日。南美洲委內瑞拉與英德義各國議和。在華盛頓簽押。十四日。俄與波斯所訂商約至是實行。俄許波斯出口貨物大半免稅。十八日。西班牙太后卒。二十二日。羅馬教皇行登位二十五年慶典。二十三日。土耳其允辦俄與兩國所擬馬其頓變法章程。土政府派希米茲柏索為

九

甲辰

雜 俎

監督監察頒行變法章程。

三月五日。美國會議。允開巴那馬運河。與古巴換約。十

一日。英國批准新定陸軍額為二十三萬五千七百六

十一名。十三日。英藩部大臣張伯倫自南非洲還英

京。十四日。英兵佔據南非洲西境蘇科多城。土酋及

其相遁。十六日。土耳其欲聘德員訓練馬其頓警察。

為俄人所阻。十七日。德國貸款出國債票二十九兆

馬克。周息三釐。十九日。英屬坎拿大首相李雅擬定

華人進口身稅。由原定一百元增至五百元。二十三

日。南美洲委內瑞拉總統加士忒魯辭位。議院不允。

二十五日。印度人民疫死者四萬二千八百六十五名。

未報冊者尚不入算。二十七日。摩洛哥又亂。二十

八日。英皇世子坎拿大公爵自印度還英京。德皇后

墮馬傷腕。二十日。非洲之東馬達加斯加海島大風。

三十日。葬英故提督馬里達於蘇格蘭之伊丁勃城。

三十一日。英皇赴葡京。再往丹抹。英皇后歸甯丹抹。

十

正月

法水師提督願作卒。

四月一日。俄國斯拉實司脫之國家鐵路工廠罷工。辱其

總督。槍斃小工二十人。傷五十人。三日。德皇抵丹京。

七日。德皇歸國。八日。俄國不撤滿洲駐兵。以密約

七條要求中國。英皇自葡京啓蹕。往英屬吉勃拉塔

海峽。大閱駐防兵隊。塞爾維亞國批准憲法作廢。議

院解散。法律刪削。旋諭止之。蘇格蘭鐵路工人罷工。

九日。英國之倫敦及堅兒覺埠輪船執事人役罷工。

十一日。德太子游歷土耳其。土王贈以頭等寶星。

駐馬其頓沙威城俄領事。為布加里亞村兵所殺。十

二日。法總統勞畢抵法屬北非洲。亞爾吉爾總督與首

相不睦。辭職。十三日。德太子行抵希臘雅典。十

四日。土國奧巴鐵路公司。在土京議用資本一千五百

萬法郎克。十六日。英皇行抵地中海之摩達島。紳民

歡迎。至二十四日。啓蹕。十七日。俄奧二使覲見土皇。

以亂事詰之。十八日。土使為布加里亞亂人所困。幾

爲所囚。十九日。美國允荷德兩國在太平洋布設海底電線。俄人於是日始。至二十一日。三日間。虐殺在計由富之猶太人。二十二日。義大利外部大臣普林尼第辭職。海軍大臣莫積代之。二十七日。英皇抵義京。會議王及羅馬教皇。法總統抵非洲法屬突尼斯。五月一日。德皇及其太子與首相褒洛大將華德西至義京。英皇至法京。二日。德總統會英皇於法京。三日。德皇會羅馬教皇。四日。英皇歸國。六日。德皇歸國。七日。特蘭士伐爾所貸債三十五兆鎊。已付三十兆鎊。周息三釐。約至一千九百五十三年。可清還。英屬新金山鐵路罷工。十三日。法政府裁女教會四百所。英國新造一萬六千三百五十噸之兵艦康門威爾者試水。十四日。英國以尼羅河事與比立約。二十三日。英副將滿甯攻退麻木蘭土酋。殺其兵二千人。德相褒洛歸國。二十六日。布加里亞人釋放土國專使。二十八日。俄兵都大臣苦魯巴金游歷東方。

雜俎

二十九日。美外部致書華使。陳說不向俄人索回東三省之利害。後又致書歐洲各國。俄逐英太晤士報訪事人。三十日。德皇以路易士寶星贈日本皇后。六月四日。法上議院改新例。民人從軍。以二年爲限。八日。法人聲言平亂。以開花礮擊摩洛哥非葛。計六時之久。降之。特蘭士伐爾定例局頒例。黑人等不得有地方自治選舉權。十一日。塞爾維亞亂黨圍宮。弒王及后。大臣以下。死者甚衆。十五日。塞爾維亞集議。奉首領克拉佐基爲新王。三十日。英國議准財政新章。中法美墨各員。在法國官銀行集議維持銀價。七月二日。德派司坦男爵出使美國。五日。太平洋電線公司成。八日。法總統與英皇會於英京。十日。法總統歸國。十一日。德皇往那威。布加里亞厭兵。請各國公斷。勸土耳其撤回軍隊。土國允之。十四日。俄皇至哥木海給及担姆斯達墨西哥。美國派使赴柏林。倫敦愛姆斯達旦。會議用銀事。十八日。法國派赴英

雜 俎

十二

正月

國之商約議員抵英。二十日。羅馬教皇卒。俄國所設安東至韓國龍巖浦海底電線成。三十日。英議員阻設常備軍二萬五千於南非洲及令印度出常備軍費之議。俄國亂事紛起。密克拉達圍地方罷市。三十一日。法人圖芒呈請政府。以其所製汽船。通行軍中。八月二日。俄德會議商約專使墨美二國派議錢弊專使均開議於俄京。四日。紅衣主教沙拖被擧為羅馬新教皇。七日。英簡撓拂庫特世爵為澳大利亞洲總督。九日。法國馬塞啓大會集議。義人某槍擊法樞未中。土耳其馬兵擊死駐英奈司脫之俄領事。旋科以死罪。給恤死者家屬四十兆法郎克。十一日。俄國計由富地方又亂。十二日。德皇自那威歸國。十三日。俄皇特命阿力克塞夫為東方全權總督。管轄滿洲。十八日。土耳其兵為亂黨大敗。二十日。義大利水師盡移於西面利島。會同各國辦理其馬頓事。英派地中海水師赴沙羅提給。二十一日。欽拿大與日本重訂

商約。二十二日。土耳其允俄索各款。俄允撤回水師。二十三日。英相沙士勃雷侯爵卒。二十四日。阿毗辛尼亞國以欲加稅。與法國不睦。二十五日。有俄韓龍巖浦租地新約十款之說。二十六日。美戶部大臣路德辭職。塔夫塔代之。二十八日。土耳其兵槍擊美國駐利巴嫩非拉忒副領事。美飭地中海艦隊移師詰之。英以黎明敦為孟買總督。三十日。哀丁泊爾亂黨據黑海沿岸各地。三十一日。英皇以商議馬其頓事。會與皇於維也納。九月一日。布加利亞王額避位不果。又還京。英禁俄國荷蘭亞爾然丁等糖進口。俄戶部大臣維忒兼任內廷議政大臣。四日。駐日俄使以日俄平分韓國請於日本。日本不允。七日。英皇歸國。九日。土耳其人縱火焚避難山中之馬其頓人十五萬。而布人之在莫奈司忒地方被殺者亦五萬人。十一日。土耳其兵重修哀丁泊爾卻特利邊其隆抱司泊爾司數處炮臺。十

五日。奧太子與德皇會獵。十七日。英政府決議招集水師於君士坦丁。令其停止殺戮。英藩部大臣張伯倫戶部大臣羅坎內務部管理印度事務書記漢白爾均辭職。匈牙利更動政府。十八日。奧皇諭禁陸軍改用匈牙利號令記號以保與匈合國之帝權。人心大動。十九日。德皇會奧皇於維也納。二十日。德兵部大臣高士洛辭職。英蘇格蘭戶部大臣哀禮與塔辭職。三十日。俄皇與奧皇會議馬其頓歸歐洲各國公同管理事。哥倫比亞議院。以全權付總統。與美國議開巴拿馬河約。

十月一日。英國迫令俄奧兩國推廣馬其頓新政條款。二日。布加里亞人與土耳其人戰。英法會商摩洛哥事。三日。英南洋政府禁比利敦及墨西哥銀幣入口。五日。英國新內閣成。以張伯倫為戶部大臣。莫得爾登為藩部大臣。福司忒為兵部大臣。莫爾雷為蘇格蘭書記。白洛的克為印度書記。斯坦凌為郵政大臣。樞

雜 俎

密院長借文西辭職。六日。塞爾維亞更易內閣。以格羅次為首相。七日。法暹約成。八日。為俄國撤滿洲駐兵第三期。不踐約。中美新訂商約成。九日。土布二國各議減退兵數。十一日。英美二國通無線電報於大西洋。十二日。英國駐東南各水師提督議東方有事會集水師之策。英法會商屬地界限約成。義皇及后抵法京。十六日。英皇贈奧皇以陸軍大將之職。十九日。英國駐大西洋水師會操於西班牙洋面。義皇及后離法京。二十日。土布再議退減兵數。波斯親王阿答爾伯爵奉政府命。充德國巡船水師官三年。二十一日。美國與坎拿大國會商阿拉斯加疆界事。坎拿大專使不允將絕且河二小島割與美國。二十六日。布加里亞後備兵悉數解散。亞利伯之亞門地方有亂。二十八日。俄外部大臣拉司道夫呈俄皇手書於法總統。復與法外部大臣德加士會議。三十一日。西班牙比爾抱地方罷工。

十三

甲辰

十一月三日。德屬非洲有亂。四日。哥倫比亞不願簽巴拿馬運河約。美派兵艦往。而哥兵艦即砲擊駐巴拿馬之美副領事館。五日。德皇會俄皇於威斯伯。俄皇旋歸。六日。美國認巴拿馬新立政府。德相褒洛與俄外務大臣於斯道夫會議於摩斯塔特。九日。南美臺達明俄地方有亂。十日。巴拿馬派員赴美。會議運河約。十一日。俄國以阿爾美尼教民財產悉沒入官。十四日。英艦會義艦攻色摩利倫。義皇及后赴英京。警察於中途獲虛無黨刺客一人。十五日。英兵入西藏據其要隘。十六日。巴拿馬運河約成。美巴二國簽押。美國出金十兆元。得管河全權。二十日。英皇見義外務大臣。新錫蘭政府議准加稅章程。二十一日。德皇病愈。德皇以頭等紅鷹寶星贈日本陸軍大臣寺內正毅。以普魯士冠寶星贈濱知事周布公平。二十三日。義皇及后歸國。二十四日。美國用兵於斐利濱之角羅島。大敗摩洛士族。二十六日。英國向波

斯索得電線利權。而俄國向阿富汗索得通商利權。三十日。土耳其改民兵期為九年。十二月七日。俄國革命黨謀舉事不成。土耳其砲臺擊斃義大利將官。以義將欲樹國旗於土砲臺故也。三日。智利以新造戰船二隻與英國。十二日。英德商約批准。仍展二年。十五日。衆言德皇會論議員。勗以極意注視外交。哥倫比亞人舉將軍爾雷士為總統。十六日。英國宣言不認塞爾維亞弑王與后而重立之新政府。各國如之。十七日。法京發售俄國承築中國正太鐵路股票。奧皇重申德義奧聯盟之約。美國派水師提督伊文率艦隊至遠東。布土交戰。土耳其大敗。布加里亞亟籌額外兵費金一兆鎊。十九日。澳大利亞自治地公舉以女子與選舉權。工黨獲勝。二十三日。德義所訂公斷條約議成。二十六日。自亞伯利亞之蚩塔經庫倫以達張家口之線。俄人測量完竣。二十七日。美政府迫令韓國開放義州為商港。